

何由變更遂解故印紱奉 upper 將率受著新紱不解視印

飲食至夜迺罷右率陳饒謂諸將率曰鄉者姑夕侯疑

印文幾令單于不與人師古曰鄉讀曰嚮幾音鉅依反如今視印見其

變改必求故印此非辭說所能距也既得而復失之辱

命莫大焉不如椎破故印以絕禍根將率猶與莫有應

者師古曰與讀曰豫饒燕士果悍師古曰果決也悍勇也音胡幹反即引斧椎

壞之明日單于果遣右骨都侯當白將率曰漢賜單于

印言璽不言章又無漢字諸王已下○宋祁曰已當作以迺有漢

言章今印去璽加新與臣下無別願得故印將率示以

故印謂曰新室順天制作故印隨將率所自為破壞單